

陳修園
先生著

S28
469.21
共8冊

酉 13

469

共 8 冊



陳修園先生著

南雅堂醫案

上海羣學社印行



南京中醫藥大學圖書館藏

中華民國九年六月付印 南雅堂醫案

中華民國九年八月初版

全八冊 中紙 洋紙 價一元八角 二元二角



校勘者

嚴 華 亭

楊 友 芳

印刷者

國粹書局

發行者

上海四馬路中市
羣學書社

經售處

外埠各大書局



序

嘗讀修園先生書。見醫學三字經例言。其首筆大書而特書曰。是書前曾記名葉天士。今特收回。又見醫學從衆錄一書。其例言亦如是云云。余見之。余重思之。不覺有感於中。為之廢卷浩嘆者久之。當是時也。葉氏為吳中名醫。享盛名者數十年。雖婦人小子。莫不知葉天士名。又故為怪誕奇離之說。附會以神其事。彼邦人士。至以天醫星目之。其崇拜信服為何如耶。葉氏天資穎敏。原非庸醫所能望其肩背。然其矜奇好異。固不無矯枉過正處。即論其用藥一項。如河車海參。波菜炒鱔之類。信手拈入。不一而足。則其處方立法之際。亦可想見焉。若修園先生。則有不然。先生夙以長沙後身自負。平生著作。不下二十餘種。其中尤以金匱及傷寒論兩淺注為最。實足以羽翼仲景。闡明奧義。故海內岐黃家咸奉為主臬。查近時陳氏醫書。幾增至百種之多。然大半出於後人附會。屏

雜是以層出不窮。然魚目混珠。硃砂亂玉。明眼人自能辨之。固無庸曉曉贅及。為惟念陳氏著書立說。卓然自成名家。顧獨無醫案。案流傳於世。未嘗不引以為憾。去冬余北上之行。道經滬上。羣書社主人沈君繼先。袖出抄本十餘冊。見示。並顏其名曰南雅堂醫案。一望而知為修園先生之遺墨也。叩其所自。乃得之於汴南錢君珊石之手。蓋錢之大父柏宜先生。懷材不遇。以明經終。常遊修園先生門。相處最久。相得亦最深。則此卷之轉輾流傳。想為先生當年臨診處方之際。隨時隨筆。久之積而成帙。故流傳以迄於今歟。又思修園先生閩產也。以名孝廉出宰畿輔。或公餘之暇。歸田之時。依其平時診治所及。隨記隨錄。彙訂成稿。而功未竟。故遺傳至百餘年後。久而始發其幽光歟。是皆未可知事。余竊幸其書可存。並喜其道之可傳也。所惜者其間所列各種案語。既未分別門類。亦未按列次第。紛紜錯雜。重複冗繁之處。在所不免。恐不足

鑒閱者之目。是雖盡善而猶未得為之盡美也。沈君亦以余言為然。退而物色知醫通士。乃得楊君友均。嚴君葦亭。主任其事。爰照原本重為編次。三閱月始克告竣。共訂成八卷。分列五十餘門。綱舉目張。序次井然。凡各項重要諸病。及一切大小雜症。莫不備列。詳明瞭如指掌。誠洋洋乎大觀哉。然則是書之出。不特先哲之法。不致湮沒弗彰。即余平昔之私望。亦克如願以償。從此醫學界中。又得一良好範本。豈非大快事耶。沈君欲以書上石。出而公諸海內。將上石以函乞序於余。余素不知醫。然辭不獲命。無已為述其顛末如此。

中華民國九年仲夏月

陽湖張光第頌元氏撰

跋

有明必有晦。有晦必有明。孔子生而吾道明。漢學興而吾道晦。晦而復明。朱紫陽之功也。仲景生而醫道明。四家出而醫道晦。晦而復明者。陳修園之功也。劉河間張子和李東垣朱丹溪名醫也。而醫道于以晦者。以主表散主攻下主溫燥主寒涼各有所編。各有所傳授。于是各宗師說。各分門戶。去仲景時代愈久。昧仲景真諦愈遠矣。然明而晦。晦而明者。陰陽遞嬗之道也。至乾隆朝吾道復昌。醫道亦復著。陳修園先生遂應時而生。仲景真傳不絕如縷者。竟得綿綿于後世。是先生乃仲景之功臣也。顧世傳十六種。都屬詮釋醫道之書。指示門徒之本。而于先生臨診方案。反付闕如。識者恆以未獲金針為憾。沈君繼先經營書業。而注重于醫學。不惜巨資。覓得先生生平方案。刊印傳世。近來坊間。有所謂四十八種者。有所謂六十四種者。泰半非先生手筆。在知醫者果瞭如指掌。在

未得門徑者。往往為其所愚。害人生命。良堪浩嘆。沈君為僕舊交。刊印此書。既請楊君友均嚴君葦亭詳細編校。猶恐或有失檢之處。求正于僕。披閱一過。藥品與病情。無一不當。洵為醫學之津梁。是修園為仲景之功臣。而刊印此書者。又為修園之功臣。僕宗仲景者也。爰泚筆而跋于後。

夏歷庚申年端午日王風佐才氏撰

南雅堂醫案

凡例

一此書顏其名曰南雅堂醫案所以循其舊而並紀其實也故仍之
一全編訂成八卷分為五十餘門並附則十餘種凡大如中風傷寒
小如便閉脫肛等症莫不分門別類備列靡遺

一百病以風為首故中風列於前餘症各以類及至若傷寒溫熱各
病辨症固不容稍混而治例尤不可舛錯故凡重要諸症其一切
方法尤為周詳完密自與尋常醫案不同

一婦科以經產為主兒科以痘瘡為重故另列一卷以殿其后

一是書係當年抄錄流傳之件卷帙既繁症類又多其間不無冗雜
重複之處茲乃重為編訂遇有病狀病因相同或其立方用藥無
甚更異者每門中諸如此類則量為酌刪至其中所列各種案語
藥方則概照原本錄入不敢增減隻字以存本真而歸精賅閱者
鑒而諒諸



一是書學問淵深。多以内經金匱為宗。或折衷諸大家而遵仿之。故其所用一切方法。既臻妥洽之妙。又見精覈之功。其學識經驗。實較他書為勝。

一案中處方用藥之法。均卓有見地。並有成法可循。如所患何病。病屬何因。應用何方。方何所本。無不逐案切實敘明。與尋常庸流模稜兩可含糊了事者迥然不同。

一各症案語簡括處則寥寥數言。詳闡處則多至累百。且語多平淡。法極純正。既無矜奇炫異之處。亦無矯揉造作之弊。自是名醫手筆。自是儒醫心法。

一各案祇載病症方藥。而於男女姓氏年齡等。均未載列。蓋仍原本之舊也。至各藥錢數若干。泡製若何。及方劑中有用各種丸丹。其原方或附及與否。修合法或載列與否。皆依照原本而行。意不敢增減。一此書概照原本。詳細校勘。可無魯魚亥豕之訛。或間有錯訛脫漏等處。還望岐黃諸名家指教。更正是幸。

南雅堂醫案目錄

卷一

真中風

類中風

虛癆門

咳嗽門

痰飲門

卷二

哮喘門

頭痛門

眩暈門

心痛門

怔忡門

腹痛門

腰痛門

卷三

隔症門

血証門

卷四

腫脹門

黃疸門

諸鬱門

汗門

泄瀉門

痢疾門

卷五

便閉門

脫肛門

遺精門

淋濁門

疝氣門



痘厥門

癩狂癰

風庫門

卷六

痿症門

積聚門

傷寒門

風溫門

濕溫門

卷七

溫熱門

暑熱門

秋燥門

瘧疾門

瘟疫門

卷八

婦科

調經門

崩漏淋帶門

胎孕門

產後門

兒科

痘症門

痧疹門

南雅堂醫案卷一

閩長樂陳念祖修園著

真中風

風為百病之長中之者勢如矢石險狀自不待言據稱時方晌晚步入內室用膳便猝然倒地痰涎上壅口眼喎斜于左顯係中經之確證幸脈尚浮大陽證見陽脈邪尚在腑似無大碍之虞因風治風為疾馳解圍計亟用小續命湯進之

桂枝

麻黃

人參

杏仁

川芎

黃芩

防己

甘草

炒白芍

以上各八分

附子

四分

防風

一錢二分

加生薑

三片

大棗

五枚

煎服

頻年操勞過度精力消耗陰氣不能上承內風躍躍欲動是為靡中之象前醫崇以治痰為務始而溫補繼而攻劫治失其宜無怪真陰愈虧日就枯槁且今夏酷熱異常發泄尤甚積孱之軀益覺

不支急宜育陰熄風生津益氣以冀漸有轉機用固本丸加減

北五味

生地

天冬

麥門冬

人參

風中於經則六經之形症必現於表今據口苦胸滿兩脇作痛乍寒乍熱兩關按之弦甚病少在陽一經毫無疑義法用小續命湯

加羌活連翹

君相火亢水涸液虧證係下虛上實時有暴怒跌仆之患茲勉擬一方藉以滋液救焚俾藥力直達於下不助上焦之熱庶克有濟遵瓊玉膏法

鮮生地搗自然汁二斤

生白蜜一斤

右藥用鉛罐封固以鐵

鍋盛清水中設木架放罐於上取桑柴火煮三晝夜頻添水至

三日後方可住火連器浸冰水中一日取出再加白茯苓一斤

蒸熟研粉

真秋石

一兩銀罐內煨研

人參

六兩蒸透研

此三味

合前藥拌勻切成塊用小口磁瓶收貯勿令洩氣每晨空心用

滾水調服五錢

診得左手脈動數兼弦右脈稍和而按之覺虛證患足痿無力不良於行左目流淚時苦頭暈舌生紅刺微帶痰咳是風陽升於上也緣今夏火熱已久熱則真氣泄越虛則內風旋動經言痿生大熱熱耗津液致有此種現狀法宜清上安下並甘涼不傷脾胃諸品補肝腎以攝納真氣為主

製首烏 四兩 天門冬 二兩 炒杞子 一兩五錢 黃菊花 一兩五錢

黑稽豆皮 二兩 川石斛 八兩 熱膏用 菟蔚子 二兩 蒸透 虎骨膠 二兩 水溶化

白茯苓 二兩 蒸透 以上各藥合為末以川斛膏全溶虎骨膠搗丸如梧桐子大空心用滾水服三錢

舌苔滯膩口歪流涎便澹溺少左肢痿而不用脈見弦遲是中虛濕勝之體易於生痰動風內風既動未有不招外風者宜用

牽正散合二陳湯加 川附 桂枝 製僵蚕 白芍

診得兩手脈厚而長，惟左手畧兼弦象，兩寸稍緊。脈厚者，得土之敦氣，厚道足以載福，為長壽之徵。但弦為風，脈緊為痛，脈令緊在兩寸，主上半身有痺痛之患。據稱手腕及臂上痛，時愈時作，已閱五年之久。且指尖時苦麻木，昔年尤甚。近今畧減，細察此症，係風在關節而作痛，至其所以痛者，乃氣血與風邪相抗拒，非同偏枯者之全不覺痛。其妙在於痛處，不難扶正以屏邪。書稱中指麻木，三年內防患中風，以中指屬手心經故也。今幸麻木之處，以食指、拇指為甚，係肺與大腸氣之不調，尚無大害。然風善行而變數，必須及早治之。然斯時若服風藥，以預防中風，是適招風取中，無異借寇兵而齎盜糧，宜出諸鄭重，切勿孟浪以圖一逞。宜用黃耆五物湯。

黃耆二錢

桂枝尖二錢

生白芍二錢

生薑四錢

大棗二枚 全煎服

風者天地之噫氣也。氣和即風和。宋儒所謂和風一至萬物皆春。莊子云萬物以息相吹也。孟子所謂塞乎天地之間。合諸內經所云神在天為風。大氣舉之。實有一貫之道焉。但風善行而數變。震撼鼓盪。無所不周。中之者勢如矢石。四時賊風害人尤烈。佛經有風輪主持大地之說。所謂業風一吹。金石鳥有是也。人在氣交之中。得風以生。人在風中而不見風。猶魚在水中而不見水。人身五臟肝木主風。乃生死之門戶。然木生於水。乙癸同源。故於腎為尤重。內經云腎者作強之官。又云腎藏志。是即孟子所謂夫志氣之帥也。又所謂至大至剛以直養而無害。則塞乎天地之間。可知聖賢立言。包涵萬有。可與諸說互相證明。而其理益彰。明乎此而後可與言風。而後可與言治風之法。蓋治病之法有標本緩急之不同。茲為預防中風而設。非臨時救急者可比。故取和平之品。與穀蔬常食同功。古人云藥以治病。食以養人。又云丸者緩也。此方取